

Februari 18, 2020

www.awemainta.com

www.facebook.com/awemainta

noticia@awemainta.com

583-1400



AWEMainta

Presidente di Corte Comun di Husticia, sra. mr. Eunice Saleh

HUEZNAN MESTER INTERPRETA REGLA Y DUNA CONTENIDO Y TIN BIAHA E POR AFECTA POLITICA

< Sigui lesa na pagina 2 >





**INVEST
SECURE**

We don't just say it ... We Guarantee it !!!



24 Years

*Nos ta ofrece trankilidad,
protehando nos comunidad.*

Pa mas informacion yama 582-7252



Presidente di Corte Comun di Husticia, sra. mr. Eunice Saleh

Hueznan mester interpreta regla y duna contenido y tin biaha e por afecta politica



RECIENTEMENTE tabatin instalacion di dos Huez nobo pa Aruba, mr. Jacques Keltjens y mr. Maite de Haseth. Presente n'e ocasion aki tabata Gobernador Alonso Boekhoudt, Minister di Husticia, mr. Andin Bikker y algun miembro di Parlamento. Ausente tabata e.o. Presidente di Parlamento, mr. Ady Thijsen, maske cu Griffier, Herman Hek si a duna cara.

Durante e ceremonia aki a hiba palabra Presidente di Hof, mr. Eunice Saleh. Den su discurso el a elabora riba tres punto cu a resalta den prensa Hulandes cu ta aspectonan di importancia p'e islanan di Caribe tambe.

El a haci cuatro citacion of titulo di articulonan cu a hala su atencion den prensa Hulandes. E titularnan ta: "Wie moedwillig het vertrouwen in rechters ondermijnt, zet de bijl aan de wortel van de rechtsstaat."

E di dos tabata: "Worden we geregeerd door rechters of politici?"; otro tabata: "Wie rechters onder vuur neemt vernietigt tegenmacht". Y por ultimo "'Framing' van rechters bedreigt onze rechtsstaat."

Su pregunta n'e audiencia presente tabata: "Kico tabata e background di e articulonan aki, y cu nos por evita cu un discusion ta tuma lugar di un forma asina fuerte den nos paisnan tambe."

Tur e titularnan aki, el a bisa, ta relaciona cu e discusion na Hulanda encuanto e relacion di Huez y/cu politica.

E pregunta central den e discusion aki ta si e Huez no ta sintando riba stul di Gobernante- y Parlamentarionan.

El a menciona esaki den cuadro di e caso URGENDA, cu e representante di Ordo di Abogado tambe a elabora riba dje.

Un veredicto cu e NGO a gana den tur instancia y ta papia cu Estado mester cu e emision di gasnan toxico mester baha cu 25% en comparacion cu e nivel di 1990.

"E caso aki y otronan a conduci na e pregunta si Hueznan ta gara poder y ta sintando demasiado riba stul di Gobernante y Parlamentarionan. Dentro di Trias Politica tin e poder legislativo, ehecutivo y hudicial y cada un tin nan tarea.

Esun legislativo ta fiha e reglanan cu tur hende mester mantene nan mes na dje, y en grandes linea ta guia e estado y e comunidad.

E poder ehecutivo ta ehecuta e leynan y e poder hudicial ta "toets" e comportacion di ciudadano- y Gobernantenan basa riba e leynan. Pues ta tarea di e Huez pa tene cierto control riba e poder legislativo y ehecutivo y husga si e instancianan a actua di forma legal. Gobierno mester cumpli cu palabracionnan y ley."

Presidente di Hof, sra. Eunice Saleh a bisa, den forma cauteloso, cu e discusionnan na Hulanda, manera el a señala, no ta tumando lugar di e forma ariba describi. Por evita e discusionnan ey si tur e tres podernan ta continuamente consciente di nan rol y duna mas tanto contenido n'esaki.

Segun Presidente di Corte Comun di Husticia a splica, Hueznan mester atende cu e preguntanan cu ciudadanonan ta trece na nan atencion, basa riba reglanan poni dor di Legisladornan.

Hueznan mester interpreta e reglanan y duna contenido. Y tin biaha e por afecta politica. Pero esaki no ta nifica, e ta bisa, cu Hueznan por sinta riba stul di legislador y gobernantenan.

E ta analisa cu mester haci escogencianan con e comunidad mester funciona, pero denter di e limitenan.

Tur cos mester keda den margen di tratadonan. No mester laga buraco habri cu ta duna espacio, pa Huez bay haci su propio interpretacion.

Mr. Jacques Keltjens ta Vice Presidente nobo di e tribunal na Aruba y cu nombramento di mr. Maite de Haseth a bolbe pone un paso den duna nos Corte un toke Caribense.

Mr. Keltjens ta un veterano di 60 aña, kende tin experiencia internacional riba diferente tereno di ley. E ta un persona cu ta adaptá su mes facil na cultura lokal.

Mr. Maite de Haseth, 40, a nace na Còrsou y a gradua na Rijksuniversiteit Leiden na aña 2003 y di retorno na su isla a ocupá puestonan importante den Corte Comun di Husticia.

Aña pasá el a finalisá su training como Huez na Aruba. Un di su pasatemponan ta pa participa n'e caminata den naturalesa y su pasion ta su Mercedes Benz clasico.

Ningun autoridad na Aruba sa di un avion confisca cu cargamento di oro for di Venezuela



NINGUN, pero ningun autoridad hudicial na Aruba sa nada di un avion cu lo a baha na Aruba, cu un cargamento di oro.

No tin ningun avion Venezolano o matricula Mericano confisca na Aruba te pa papia di un cargamento di oro na razon di 900 kilo.

Como tal e noticia aki a ser califica como un fake news. Cu tin transporte di oro for di Venezuela, no ta un secreto. Pero e biaha aki, e storia aki no ta berdad. Den pasado berdad a confisca un cargamento, cu na nos opinion dicho oro ta na Aruba ainda.

Maske cu e noticia aki a keda desmenti, na Venezuela nan ta sigui publica cu Aruba y Corsou e.o. tin e lavanderianan di oro Venezolano den Caribe.

Mas o menos 160 tonelada di oro Venezolano a trafica p'e islanan di Corsou y Aruba, cu ta un operacion cu ta tumando lugar for di 2014. E destinacionann turistico aki ta funciona como trampolín pa Estados Unidos y Europa mientras e mineralnan aki ta ser saca di e pais di Nicolás Maduro.

Mencion ta ser haci di un tal Rafael González Zambrano, kende pa 7 aña a dedica n'e operacion aki.

Rafael Gonzalez Zambrano ta un Venezolano, pero tin un pasport Hulandés, kende mes a admiti di ta dedica n'e negoshi aki, pa hiba oro Aruba, for di cual isla e oro ta sali cu KLM pa Hulanda pa sigui despues pa Dubai, cu t'e destino final.

Zambrano a traha p;e compania Paoro Armored Transport, cu ta dedica na transporta oro. Un grupo di investigador Hulandes, referiendo na RST a confisca 50 kilo di oro.

Maske autoridadnan ta nenga e noticia, e tin cierto berdad aden, pero ta un caso cu ta data for di aña pasa, te cu mencion a ser haci cu un persona masha yega na Prome Minister Evelyn Wever-Creos ta of tabata involvi den e negoshi di oro aki. Y maske cu awe e noticia aki ta ser desmenti, semper e dicho cu ta bisa: Unda tin huma tin candela, ta pone bo pensa.

Minister Dangui Oduber

Inovando cuido medico na Aruba, digitalisando AZV



GOBIERNO di Aruba a decreta aña 2020 como Aña di Inovacion y Enseñanza. Minister Dangui Oduber ta percurando pa trece inovacion den cuido medico na Aruba. Di e forma aki a introduci e AZV Rating app pa duna un score na servicionan di dokternan di cas.

Minister di Salubridad Publico sr. Dangui Oduber tambe a percura p'e DigiZorgpas di AZV cu a caba di wordo introduci dor di AZV.

E mandatario a trece dilanti cu AZV ta digitalisando su servicionan pa tin un mihor control y tambe pa facilita e aseguradonan, tur esaki ta posibel por medio di e app di AZV.

E AZV app nobo, ta obtenibel pa baha den e Play Store of App Store depende di bo telefon y e ta traha den 4 idioma. Naturalmente na Papiamento, pero tambe na Spaño, Ingles y Hulandes segun e mandatario.

Pa sign up pa bo DigiZorgpas ta masha facil, unabes bo sign up bo tin aceso na bo DigiZorgpas.

Den e app aki tin mesun informacion cu bo Zorgpas di plastic. Den e app bo ta haya informacion up to date di bo dokter di cas, bo botica y bo dentista y mucho mas.

E mandatario a menciona cu awendia mayoria hende tin un smartphone pero AZV a tene na cuenta tambe cu tur e aseguradonan cu no tin un telefon celular.

E aseguradonan aki por keda haci uzo di e Zorgpas di plastic te ora cu e fecha di esaki vence, despues di e fecha di vencemento e aseguradonan cu no tin telefon celular por haci uzo di nan id, rijbewijs of paspoort.

Na momento cu e dunador di cuido ricibi e documento e por check e derecho di e persona on-line. Es decir e digitalisacion no lo afecta ningun asegurado, al contrario esaki lo facilitanan mas aun e mandatario ta splica.

Pa mayornan cu tin yiunan menor di edad e app ta haci'e posibel pa por aña un cuenta riba bo DigiZorgpas pa bo yiunan, pa haci esaki mester paso prome personal na AZV pa bira un "verified user".

Minister Oduber a bisa cu como Minister responsabel pa salud publico ta un exigencia di su persona pa tur esnan cu ta traha den cuido duna e mihor servicio na nos hendenan.

Nos kier pa mehora e cuido y mehora e servicio y den esaki e app aki sigur lo yuda nos den esaki. Finalmente Minister Dangui Oduber ta haci un yamada na comunidad pa download e app di AZV.

Pas mas informacion tocante e app por haci uzo di e siguiente link nan:

info@uoazv.aw www.azv.aw facebook.com/AZVAruba.com

Video con pa registra: <https://youtu.be/sQMXGYFESNA>



Aruba Bank ta anuncia cu desde 15 di februari 2020, Sr. Peter Staal a wordo nombra Managing Director di Aruba Bank y Chairman of the Management Board nobo.

Sr. Staal tin mas di binticinco (25) aña di experiencia na banconan internacional incluyendo ING Hulanda, Hong Kong, Singapur, India, Spaña y Portugal. E lo asumi e responsabilidadnan di Sr. Michiel Helfrich, cu lo retira.

Nos ta contento di por yama Sr. Staal bonbini na e famia di Aruba Bank N.V. Na mesun momento, Aruba Bank ta gradici Sr. Helfrich pa yuda fortalece nos banco y inspiranos pa sigi mehora. Nos ta desea Sr. Helfrich tur cos bon den futuro.

www.arubabank.com





FUNDACION GO Cultura cu hopi satisfaccion y gratitud por wak atras riba un otro proyecto exitoso cu a conta cu sosten magnifico di nos comunidad. Un proyecto musical cu a wordo presenta riba Dia di San Valentino pa beneficia dos causa importante: rescate, restauracion y renobacion di e Teatro di Ser'i Noka y tambe aporta n'e esfuerzo di restauracion di cuatro les lokaal di Cacique Macuarima School destrui dor di vandalismo y candela.

Cu sosten y participacion di artistanan Ed-jean Semeleer, Chris Kross, Rocco Franken, Angelo Kock y Christopher Rodulfo, un recital musical excelente a wordo presenta pa deleite di tur esnan presente.

Un concierto intimo cu na final a laga tur hende sinti satisfecho cu hunto a logra recauda fondo no solamente p'e Teatro di Ser'i Noka, pero tambe e bunita suma di AWG 2,000 pa Cacique Macuarima. Den presencia di cabesante sra. Rachelle Croes-Caster y su coleganan, a haci entrega di esaki e anochi ey mes.

Cu donacion special na Cacique Macuarima... **"Give LOVE a chance" tabata un anochi magnifico den Ser'i Noka!**



Dicon GO Cultura ta considera e causa aki tambe asina importante? Pasobra educacion ta un derecho humano fundamental y t'e base di desaroyo sostenibel.

E ta stimula creatividad, e ta prepara y genera individuonan util, inspira, empodera, eleva y ta contribui na un sociedad fuerte, mas sigur y stabil.

E tin un rol crucial den formacion di identidad personal y colectivo, influenciando y formando asina un cultura rico y diverso.

Fundacion GO Cultura lo sigui sostene Cacique Macuarima den futuro y caminda cu ta posibel, tur causa cu ta enrikece nos herencia cultural y brinda educacion excepcional n'e futuro civilizacion cu lo lidera nos pais.

Gradicimento special na tur maestro riba nos isla cu ta brinda educacion na tur nos muchanan y hobennan.

Danki pa boso empeño y esfuerzo, poniendo e bienestar di nos muchanan na prome lugar. Un gradicimento inmenso tambe na tur hende y empresa pa e apoyo valioso.



Awo cu 2 florin mas, bo por gana e **MEGA PLUS**

* Afl. **360.000,-**

* Afl. 260.000,- + Afl. 100.000,-
extra



Guardacosta lo controla piscamento a base di landsbesluit y natuurbeschermingsverordening

NA aña 2017 Gobierno di Aruba a publica e landsbesluit pa proteccion di flora y fauna. Den e ley aki tin diferente especie proteha di mata y bestia cual ta ser menasa cu nan sobrevivencia. E ley aki ta proteha tambe diferente pisca y sortonan di pisca den e awanan teritorial di Aruba.

Piscamento of captura di e piscanan aki ta prohibi y personanan lo haña un boet. Importacion of exsportacion di e piscanan protehi tambe ta prohibi y ta resulta den un boet.

For di e fecha di publicacion di e landbesluit Guardacosta tabata flexibel y no a actua severo.

E periodo di transicion aki tabata un periodo p'e piscadonan por a tuma bon nota di e ley.

Den aña 2020 Guardacosta ta bay controla severo abase di e ley y landsbesluit dunando boet na esnan cu no mantene nan mes na regla.



Riba e lista tin e.o.: Diferente tipo di turtuga, diferente tipo di tribon, carco, kreeft etc. E natuurbeschermingsverordening y e lista den e landbesluit cu e fauna cu ta ser protehi por ser busca riba e website di Gobierno di Aruba.

Riba e facebook di Guardacosta por encontra e link pa bay e documentonan aki.

Durante Parada di Mucha Oranjestad cu 955 participante,

Tabatin 3 detencion compara cu 1 aña pasa



DIADOMINGO merdia pa 2:00, SMAC conhuntamente cu Cuerpo Policial a duna inicio di e parada di mucha na Oranjestad. 110 Polis tabata riba pia pa mantene ordo y seguridad den Parada di Mucha Oranjestad.

Diferente departamento di Cuerpo Policial a traha hunto e diadomingo atardi aki manera: Mobiele Eenheid,, Polis Uniforma, Departamento di Recherche, Personal Administrativo y nan Commando Kamer. Tambe personal di CEA.

E parada tabata tin 5 grupo cu un total di mas o menos 955 participante, E prome grupo a yega final 6::17 e ultimo grupo a yega final pa 6:45 . Y pa 8 di anochi a kima Momito.

E aña aki a conta cu 3 detencion. Aña 2019 tabatin 1 detencion.

Minister Dangui Oduber:

Pa prome biaha den historia Aruba tin su propio plan nacional di prevencion



DIALUNA mainta a tuma lugar e lansamento oficial di e plan nacional multi-sectoral pa cu prevencion di malesanan no contagioso (non-communicable diseases NCDs) na Marriott Ballroom.

Aki Minister di Salubridad Publico, sr. Dangui Oduber a hiba un discurso den presencia di representantenan di di PAHO/WHO dr. Erica Wheeler y dr. Taraleen Malcolm. Tambe tabatin varios miembro di Parlamamento, Directie Volksgezondheid Aruba y demas stakeholders presente e mainta aki.

E mandatario a trece dilanti den su discurso cu e proceso pa bin cu un plan nacional di prevencion a cuminsa na november di 2018 caminda a presenta un analisis di e situacion y esaki a keda discuti entre tur e stakeholders.

Den e analisis aki a conclui cu e causa di morto number un na Aruba ta malesanan no contagioso y e risico p'esaki aumenta ta grandi.

Datonan ta muestra cu e malesanan causante mas grandi di morto prematura na Aruba ta entre otro cancer, problema cardiovascular, diabetes, malesanan respiratorio cronico y mucho mas, tur ta NCD's

Ora cu datonan riba estilo di come a keda constata na aña 2017 a base di encuesta di salud cu a keda haci na 2017 a demostra cu na Aruba 52% di e poblacion riba 4 aña di edad ta consumi fruta, 55% ta consumi berdura tur dia y 25% ta consumi e productonan aki 3-5 biaha pa siman.

Un encuesta riba actividad fisico Fisico a demostra cu na Aruba 54% di adulto ta participa den deporte of otro actividad similar. Tambe a conclui cu ni e adulto ni e hoben no ta alcansa e cantidad di actividad fisico rekeri den 1 siman asina e mandatario a expresa.

Siguiente na otro pagina >>>

Recharge your Carnival with any Prepaid card

*Promotion is valid with any prepaid card. Unlimited calls are from SETAR to SETAR Mobile and customer will receive 1 GB of Data. The promotional bundle is valid for 1 day until 25th of February, 2020.



Receive
Unlimited calls
and **1 GB of Data**

SETAR
Creando Conexión



E mandatario menciona cu na 2018 ora el a reuni pa prome biaha cu e Nefroloognan como Minister di Salubridad Publico nobo. Tabata e momento cu nan a expresa na su persona, nan preocupacion riba e crecimiento den e cantidad di pashentnan cu ta wordo trata pa medio di dialyse na Aruba.

A keda divulga n'e mandatario cu 16.2% di e poblacion di Aruba ta sufri di diabetes y esaki ta mucho mas halto cu e averahe mundial di 8.3%, es decir Aruba ta casi dos biaha mas halto.

Den e mesun reunion aki tambe a toca e tema di cuanto esaki ta costando AZV. A keda presenta cu e costo di 1 pashent di dialysis ta costa AZV aproximadamente 100 mil florin pa año.

E tempo ey Aruba tabatin 200 pashent cu un crecimiento di 24 pa 30 pashent pa año, e 200 pashentnan aki ta costa AZV aproximadamente 20 miyon florin pa año.

E mandatario a bisa cu su vision ta pa promove un mihor cuidio medico y un mihor calidad di bida p'e poblacion di Aruba.

Pa logra haci e vision aki realidad e unico manera tabata pa bin cu un plan nacional di prevencion riba NCD's. Na maart 2019 a tuma lugar un workshop di 2 dia caminda tur e stakeholders representando diferente sector na Aruba a participa pa yega na un plan nacional.

P'e plan aki ta exitoso e tabata pa importante pa duna tur hende cu ta traha den e field e oportunidad pa duna nan input y participa activamente n'e plan.

Minister Dangui Oduber a bisa cu hopi orguyo cu awor e plan ta un realidad, cu e asistencia tecnico di PAHO awe Aruba tin su propio plan nacional multi-sectoral pa cu prevencion di malesanan no contagioso (non-communicable diseases NCDs) 2020-2030.

Cu e plan aki Aruba ta un ehempel. Aruba t'e prome pais den Caribe cu tin un plan nacional di prevencion.

“Hopi Gobierno a papia di prevencion den salud den pasado. Nos Gobierno a pone den nos programa di gobernacion cu nos lo bin cu un plan nacional di prevencion p'asina yuda nos comunidad hiba un bida mas saludabel y percura pa garantiza e sostenibilidad di e fondo di AZV” e mandatario a expresa.

Mester menciona cu tur e personanan cu a hiba palabra e mainta aki, tur tabatin cos solamente positivo pa bisa di e vision di e Minister y plan riba su mes.

Finalmente Minister Dangui Oduber a gradici PAHO/WHO pa nan asistencia pa haci e plan aki un realidad. Tambe e mandatario a gradici su consehera di salud drs. Judelca Briceño pa coordina henter e proceso.

Danki tambe na AZV, Imsan, HOH, Wit Gele Kruis, HAVA pa ta parti di e comite directiva pa ehecucion di e plan pa añanan nos dilanti y na tur e stakeholders cu a haci e plan aki posibel, pabien Aruba.

E plan aki mester transende gobernacionan, pasobra na final di dia e ta un plan pa yuda nos comunidad hiba un bida mas saludabel. Minister Oduber den corto tempo ta transformando salud publico. Un Minister cu tin vision pa trece cambio!

Auto ta dal kibra cura na Rooi Taki

UN tiki prome cu 5'or di atardi, doño di cas Rooi Taki 4, a haya susto di su bida ora el a tende un sonido masha duro afo di su cas.

E sonido a bin dor di un auto Suzuki Li-ana cu a slip for di e caminda di santo y a dal den cura di e cas bashe abou. Ambulance a wordo pidi pa bin, ya cu ambos persona den auto a resulta herida.

Aki ta trata di un mama cu yiu cu segun nan un auto desconoci tabata core riba nan banda di caminda y pesey el a hala y perde control.

E otro auto no tabata n'e sitio, pero mirando e marca di brake den e caminda di santo y e daño cu e auto y cura a haya, por deduci cu velocidad halto sigur tambe a hunga un rol.

Ambos persona a wordo trata den ambulance pa despues wordo hiba pa hospital. Dor cu e chofer y pasahero tabatin nan safetybelts bisti, e daño fisico a keda limita. Asina mes nan tabata keha di lomba y tambe cu e safetybelt den e impacto a laga nan cuero kima formal. Takelwagen mester a bini pa kita e auto for di cura.



CENTRALE BANK VAN ARUBA

BEKENDMAKING

Ingevolge artikel 14b lid 2 van Landsverordening toezicht verzekeingsbedrijf (AB 2000 no. 82) (Ltv) deelt de Central Bank van Aruba hierbij mede dat zij op 7 februari 2020 schriftelijke toestemming ex artikel 14a lid 1 sub a van de Ltv heeft verleend aan Alignvest Acquisition II Corporation voor het verwerven en houden van een gekwalificeerde deelneming van 100 percent van de aandelen in Sagicor Life Aruba N. V.

Oranjestad, 17 februari 2020.

"F*#% YEAHHH Project: Un iniciativa di WOW Aruba

WOW Aruba, un non-profit organization, di hendenan muher hoben adulto cu ta pasiona pa "empower" otro hende muher, pero tambe nos hobennan, a lanza un proyecto unico cu ta carga e nomber di "F*#% YEAHHH".

E meta di proyecto aki ta pa promove uso di proteccion bou hobennan ora ta trata di sex.

E iniciativa aki ta un resultado di un proyecto den 2019 cu a enfoca riba embaraso y maternidad hubenil. Asina e plan a bin pa sigui pone enfasis riba "safe sex" bou nos hobenan, en especial den e temporada di Carnaval.

E "F*#% Yeah Project" ta un campaña riba su mes cu ta pone enfasis riba tene relacion intimo na un manera sano.

E manera cu WOW kier trece esaki dilanti ta pa papia na un manera hopi real y espontaneo cual e idea tras di esaki ta pa kibra e taboo cu ta biba den nos comunidad referente sex.

WOW ta consiente cu e manera di comunica aki lo por ta controversial, pero esaki ta exactamente loke ta desea di wak p'asina nos tur cuminsa papia di e tópico aki y di e forma aki bira consciente di e tópico di embarazo hubenil y e maneranan cu ta existi pa preveni esaki.

Esaki ta un proyecto cu WOW Aruba su miembronan ta pasiona cu'ne, tambe mirando cu embaraso hubenil ta un reto pa desaroyo profesional di nos hobennan. Reconociendo e importancia di esaki a pensa cu por contribui n'e obhetivo cu varios stakeholders local tin riba e tereno aki, y haciendo esaki como un trabou boluntario y usando metodonan diferente.

Durante 2019 estadistica ta indica cu Aruba su porcentahe di embarasonan "no planea" entre nos hobennan a baha, ilustrando asina e trabou excelente cu ta wordo ehecuta p'e stakeholders tradicional.

WOW Aruba su obhetivo principal ta pa crea mas conscientizacion di e trabou cu instancianan local ta haci riba e tereno aki, pues pa hobennan ta consciente cu tin un caminda pa cana, pero tambe pa trece esaki dilanti den un otro estilo p'asina cubri otro gruponan di hoben caminda cu quizas mensahe tradicional no ta yega.

E enfoke ta na prevencion di embarazo como tambe e importancia di e uso di proteccion pa evita malesanan cu por wordo transmiti durante contacto intimo/fisico.



E proyecto aki lo wordo lanza por medio di un campaña riba medionan social cuminsando 10 di februari y ta conta cu e support di Durex (FRASA Aruba), Urgent Care Aruba, Audrey Croes y Josh Ras di JDB Digital y Michael-A Fowler.

Un "shoutout" ta bay na nos influencers Wichi cu Ty, Karol Croes y Mirzah Manga cu a forma parti di e proyecto aki.



CENTRALE BANK VAN ARUBA

BEKENDMAKING

Ingevolge artikel 11 lid 2 van de Landsverordening toezicht kredietwezen (AB 1998 no. 16) ("Ltk") maakt de Central Bank van Aruba (" CBA") hierbij bekend dat zij bij beschikking van februari 2020 de aan Citibank Aruba N. V. verleende vergunning ex artikel 4 van de Ltk ter uitoefening van het bedrijf van een kredietinstelling op diens verzoek heeft ingetrokken vanwege de beslissing van Citibank Aruba N. V. om haar activiteiten te staken en dat Citibank Aruba N. V. hierna werd doorgehaald in het door de CBA gehouden register van vergunninghoudende kredietinstellingen en elektronische geldinstellingen zoals bedoeld in artikel 28 van de Ltk.
Oranjestad, 17 februari 2020.

Waverunner por poco a sink



T'ASINA cu diadomingo atardi laat informacion a drenta cu un Waverunner lo a haya problema pazuid di Barcadera.

Algun persona na tera a constata cu un Waverunner lo a haye den problema y a cuminsa sink. Mesora nan a bati alarma na Polis.

Helicopter di Polis cu tabata den aire mesora a dirigi

nan mes n'e sitio di e sucedido y asina a keda monitoria te na momento cu Polis Marítimo a yega p'asina brinda ayudo.

Pa casualidad un boto di piscado tabata den cercanía y asina yuda e dos personanan.

E Waverunner y ambos persona a ser treci na tera sano y salvo. Ningun di dos persona tabata herida.

Filomena College MAVO cu parking durante Parada di Lus

DIAHUEBS 20 di februari awor Filomena Mavo lo tin su acostumbrado parkinglot disponibel pa tur auto cu ta bay Parada di Lus na San Nicolas.

Pa 5or pm e tereno lo ta habri y bao guia di maestronan esaki lo keda habri te na final di e parada. E contribucion ta 15 florin.

P'esnan cu kier haci uso di e local cu spiel pa dress-up, pa 5 florin extra e ta disponibel.

Pa mas informacion por contact mr. Addonsito na 560-2626.



Motociclista accidenta na Catashi



DIALUNA den oranan di mainta, un dama turista coriendo rond nos isla a accidenta na Catashi.

Debi cu el a perde control den un bocht y a bay dal den un baranca, e dama a keda herida.

Mesora esnan cu tabata cune a bati alarma, unda cu Polis di Trafico y ambulance a sali direccion Catashi cu no tabata fácil pa yega na lugar di e incidente.

Na yegada di ambulance, Paramediconan mesora a atende cu e dama turista herida.

Y despues a sali cune direccion pa Hospital.

Flat tire a causa cu truck cu baki di santo a kentel na Kibaima



DIALUNA mainta alrededor di 9or riba caminda di rotonde banda di ex-Drive-In na Balashi, truck cu baki di santo a kentel riba caminda. Causa di esaki lo ta cu e truck lo a haya flat tire y consecuentemente, no por a carga tur e santo y a kentel. No tabatin herido y daño a keda limita n'e baki cu a kentel. Polis a sera caminda pa por haci e trabao pa pone e truck bek riba su wielnan.

Aruba Bank ta promove cultura hunto cu Colegio Sagrado Curason



COLOR y fantasia a resalta diabierna dia 14 di februari ultimo, caminda muchanan di Colegio Sagrado Curason a baila sin stop durante nan parada di luz den bario di Savaneta. Mas di 100 alumno di Colegio Sagrado Curason a participa den e tremendo parada aki.

Tur alumno y alumna di e skol mester a crea un headpiece cual ta resalta e tema di cada leerjaar. Hunto cu e headpiece tur alumno mester a bisti un t-shirt blanco cu dilanti un curason grandi di e color cu e mucha kier. E instiucion financiero cu ta celebrando nan di 95 aña di existencia ta yuda promove e participacion di mucha den e fiesta cultural di mas grandi aki na Aruba p'asina nan por sigui cu e tradicion den futuro.

Aruba Bank ta felicita tur mucha cu a participa den e parada di Colegio Sagrado Curason pa un tremendo parada.



Carnaval di Mucha, maske poco grupo, pero yen di ambiente





Booshi Wever:

Alan Howell tin beneficio cu aprobacion di e ley nobo di Serlimar



UPP a tuma nota di un conferencia di prensa di Parlamentario Alan Howell na unda a expresa su opinion encunto aprobacion di e ley di Serlimar cu den dos ocasion a wordo debati y posponi den Parlamento.

Segun e Parlamentario ta di suma importancia pa mas pronto cu ta posibel aproba e ley aki sin mas, pasobra cada posponemento ta un desapunto pa e habitantenan di Parkietenbos y un problema pa e caha di Gobierno cu ya caba ta conoce su retonan.

UPP a muestra caba cu e ley aki NO tin nada di haber

cu e dump na Parkietenbos y cu lo NO encera un alivio p'e bario. E ley ta mas bien e.o. un set di medida riba e pueblo y e turista y un labamento di cabez di Otmar Oduber.

Remarcabel di henter e splicacion cu sr. Alan Howell a duna pakico mester aproba e ley mas liher cu ta posibel, e Parlamentario ningun momento a dedica atencion n'e corrupcion cu a tuma lugar na Serlimar.

E hecho cu a retira e Director cu a wordo tuma den servicio (handpicked) dor di su ex-Hefe, esta Otmar Oduber. Tampoco a dedica un seconde pa splica dicon te ainda no tin un plan integral pa maneho di desperdicio na Aruba.

Hasta nos Prome-Minister den defensa di e plan ad-hoc aki, a admiti cu lo presenta e plan integral despues sin bisa ki tempo esaki lo sosode.

Segun Booshi Wever, e miembronan di e partido POR den Parlamento a usa e contenido di un raport cu PAHO a presenta algun tempo atras na unda ta indica e problemanan medico, pero no a muestra riba e parti na unda PAHO ta atende e hecho cu no tin un plan integral.

E Parlamentario deliberamente no a haya ta necesario di para keto riba e desaster cu a sosode na Ser'i Teishi ni tampoco a puntra su mes pakico e incinerator chikito cu a wordo cumpra di carambola na unda a privilegia un sponsor, ainda no ta traha.

A usa e pretexto cu tin urgencia pa fix un sponsor e proyecto aki y a cumpra un instalacion cu por ser considera den un solo palabra; UN PORKERIA.

Pregunta ta kico lo por t'e motibo pa Parlamentario Alan Howell defende e ley di Serlimar cu tanto fervor. T'e interes di e habitantenan di Parkietenbos ta su proposito?

UPP tin mas bien e pensamiento cu e tambe lo kier sca pa su peyego pa motibo cu e compania di seguridad na Serlimar ta di un hende hopi cerca di dje, cual contract tambe el a haya via un procedura di fixmento. >>>

<<< E ta mas cu obvio cu e no ta cumbini e Parlamentario pa para keto riba e desaroyo sin excrupulo y destructivo cu su propio Minister y lider a hiba na Serlimar “from day one” cu aprobacion y sosten completamente di e Parlamentario Howell.

Y p’esey ta logico cu e Parlamentario no lo bay cumpli cu su tarea pa controla Gobierno, pasobra esey lo nifica cu e lo mester exige un investigacion profundo y imparcial di tur e fechorianan cu a sosode na Serlimar.

Un investigacion cu lo por bay demostra con e partido POR a beneficia di e sucedido na Serlimar cu entre otro contractnan na sponsor di partido y por ta tambe na servicionan cu ta wordo brinda dor di compania di seguridad riba dump.

Pregunta ta ki postura Parlamento lo bay tuma si e ley atrobe wordo presenta den Parlamento. Si e reunion na Parlamento dia 13 di februari 2020 na unda e raport Bo Aruba di ARA a wordo discuti, por fungi como un ehempel, anto no ta keda Parlamento nada otro cu exige un investigacion profundo dor di CAD y ARA di e fechorianan cu a tuma lugar na Serlimar e ultimo 2 año.

Durante e reunion e Parlamentarionan di coalicion a critica fuertemente e forma cu e Gobierno anterior a malversa placa di pueblo y a señala e falta di control debido dor di Parlamento anterior.

UPP a haci e trabou inicial pa Parlamento a haci entrega na Parlamento di tur e documentonan cu a ser entrega na MInisterio Publico. No por tin duda riba e veracidad di e documentonan, pasobra ta documenton-

an cu nos a haya for di Otmar Oduber mes por medio di un caso via LAR, pues no por bin cu e “smoesje” cu nan ta “fake”!!

Cu e documentonan aki den man e Parlamento number 10 cu tin e pretencion cu nan SÍ no ta hiba un maneho tradicional lo mester demonstra cu nan no ta simpelmente un otro Parlamento pero un Parlamento “otro”.

Si dicidi di no haci trabou di e documentonan cu a ser presenta, mester wordo conclui cu keto bay na Aruba tin un “Stempelparlement”!!! Si pasa e ley sin un investigacion prome, e Parlamento aparte di ta un “Stempelparlement” a para bira manera un “koemarkt” na unda ta intercambia mercancia.

Den e caso aki, ta duna RED su gana pa haya su sosten pa e ley macabro aki. Un ley cu mas bien lo ta tambe un “labamento di cabez” di Otmar Oduber y alabes un aprobacion di tur e bagamunderianan cu a bin ta sosode por lo menos desde december 2017. Nos ta wonder si partido RED ta bolbe bay core den bus pa wak proyectonan corrupto manera nan a haci na 2017.

E documentonan lo ser entrega tambe na ARA y na CAFT pa ningun hende bisa cu nan no sa di e bagamunderianan den Serlimar entorno e.o. e incinerator chikito. E corrupcion den e asunto di e incinerator chikito t’e top di e “ijsberg” di loke O.O. y su gang a haci den Serlimar.

Si no hasi nada awor cosnan lo sigui mescos cu loke a pasa den e.o. “Bo Aruba” y esaki ta inacceptabel, Booshi Wever a conclui.

**SINTONISA TUR MERDIA,
RADIO GALACTICA 99.9
PA SCUCHA NOTICIA PRESENTA PA**

**VICTOR (TOKO) WINKLAAR,
ALEXA WERLEMAN Y SIMON ARENDS.**

DN Den Noticia **GFM 99.9**

Mas foto di Lighting Parade





Riu Palace Aruba a celebra Carnaval cu empleadonan



RIU Palace Aruba a organisa un evento di Carnaval pa su empleadonan, kendenan a pasa un rato maraviyoso. E team dinamico di animacion a anima e empleadonan cu nan trahe Carnavalesco.

Tambe e empleadonan a disfruta di un lunch cu a prepara pa nan, ademas nan a saca potret cu e team di animacion den nan trahe Carnavalesco. Algun empleado a bisti e mascara y beats pa disfruta di e ambiente Carnavalesco.

Tur hende a pasa un merdia agradable y a gradici gerencia di Riu Palace Aruba pa organisa e lunch spectacular aki. P'e gerencia di Riu Palace Aruba esaki tabata un gradicimento na su empleadonan, kendenan tur dia ta duna mas di nan pa atende e huespednan.

Xpresa bo mes

Un condena di 20 aña di prizon minimo of bida largo ta locual un pedofil criminal y burdugo merece, no menos

MUNDIALMENTE pedofilnan cu ta abusa sexualmente di criaturanan inocente, castigonan hopi halto y pisa ta wordo impone riba nan. Djis weita con Corsou tambe a aumenta su castigo, contra e pedofilnan, Colombia ta pidi castigonan hopi pisa of bida largo pa pedofilnan, y mi ta spera cu Aruba tambe lo sa di bin cu un castigo mas severo ainda contra e pedofilnan.

Mi ta biba cu un castigo di mas of menos di 71 aña di prizon den mi cas, castiga pa un pedofil un ruman di crianza, cu a abusa di mi ora mi tabatin 6 aña di edad, E burdugo ey a laga mi tur na sanger y a suta mi, y su mama tambe a suta mi, pa mi no bisa ningun hende nada, te ainda mi ta traumatiza, sin cu ningun hende n'e mundo aki lo por yuda mi.

Mi a casa, y ainda mi ta weita cu husticia no ta haci nada p'e victimanan. Mi a dicidi di benta berguenza un banda y cuminsa skirbi y sali na defensa di victimanan di pedofil, cu husticia no ta haci nada.

Mi conoce cada dolor di un criatura inocente, cu a wordo abusa sexualmente pa un pedofil, y kico e pover criatura a pasa aden. Si Corsou por duna 14 aña di castigo den prizon pa un pedofil, a yega e momento pa Aruba aumenta su castigo na 20 aña di prizon pa un pedofil of bida largo, pasobra un criatura inocente t'e dolor so e ta corda pa resto di su bida.

Un pedofil ta un sikopat sin consenshi, cu ta plania su atakenan, y ta prepara su mes, y ta busca su victimanan cu ta criaturanan inocente pa sasia su sed sexual sikopata cu e tin.

Mi ta boga y mi ta roga Gobierno di Aruba y Oposicion, pa no tene misericordia compasion y duele di un pedofil.

Si ta pami seranan pa resto di nan bida den prizon y



benta e yabi na Boca Mahos, pa nunca mas nan mishi cu un criatura inocente. Un pedofil ta un peliger pa un criatura inocente.

Ki ora mi tende cu un criatura un pedofil a abusa di dje sexualmente, ta lagrima ta keda basha for di mi wowo. No ta un criatura so ta keda sufri pa resto di su bida, pero su mama y tata y henter su famia. Si no pone un fin n'e abusadornan cu ta cana ta busca criaturanan inocente pa abusa sexualmente di nan, anto lo yega un dia cu mas morto lo cay.

Wak con dos ruman padrasto a matanan, y ken sa cu abuso sexual lo a hunga un rol den e matamento di e dos criaturanan, pa nan no papia. Nos no mester lubida cu ta un homber ta abusa sexualmente di un criatura inocente, un hende muher no por.

Ta pesey mi ta sinti, cu cacho no ta come cacho, y cu mayoria di nos Hueznan ta homber, Arthur Dowers tambe a defende e pedofilnan ora mi tabata serca dje. Mi a bise cu castigonan di cierto hueznan ta laga hopi di desea. E Hueznan ey ta hinka rabia den Bo curpa, si sigui asina, awa por pasa hariña y morto lo por cai. Minister Andin Bikker, doe je best, want god doe de rest

Hiacintha Thijsen Trimon
Savaneta 210-A

Royal Power Tat Fat Home Depot organisador di Copa Noord 2020

Prome reunion a bay super bon y tur desicion a wordo tuma



COMISION Organisador di SV Royal Power t'esnan encarga pa organisa Copa Noord 2020 e aña aki. Copa Noord tur aña ta wordo organisa pa un equipo miembro.

Na 2018 Tanki Leendert Giants a organisa Copa Noord unda Royal Power a titula campeon, mientras na 2019 a toca turno na Kudawecha Redskins como organisador di Copa Noord unda Calabas Blue Jays a titula campeon.

E aña aki 2020 a toca turno bek na Royal Power Tat Fat Home Depot como organisador. Ultimo aña cu Royal Power a organisa Copa Noord tabata na aña 2012, esta 8 aña pasa. Diamars 11 di februari e equiponan miembro a bin hunto pa reuni riba Copa Noord 2020.

Un total di 8 equipo lo participa den Copa Noord 2020 en espera di confirmacion di un equipo mas..

Inscripcion ta sera fin di februari y no lo agrega equipo despues di e fecha aki.

E equipo di Boroncana y Seroe Pela y becindario, esta Salbabo ta regresa den Copa Noord 2020 y CBN Eagles, esta un team di hobenan di 18 aña di Centro di Bario Noord a inscribi nan equipo p'asina competi den Copa Noord 2020.

Equiponan a scoge pa hunga modified sistema "chata"

como pitcheo oficial di Copa Noord 2020 mientras a yega na acuerdo cu cada equipo por usa nan propio batenan, pero maximo 4 bate pa equipo cualnan lo wordo controla pa organisadornan y lo wordo gesticker.

Como reglamento di cas a stipula cu no lo permiti batenan Miken y Z1000 ni Z 2000. Atletanan ta inverti y ta gusta usa nan propio material basta tur ta cumpli cu reglamento y battinglist WBSC. (World Baseball and Softball Confederation). Ultimo diabierna di luna di mei of prome diabierna di luna di juni e torneo Copa Noord lo inicia cual lo wordo anuncia pronto y lo termina diadomingo 28 di juni, mientras Champ of the Champs ta programa pa ranca sali dialuna 29 di juni.

Balanan aproba den e reunion pa Copa Noord ta bala Heineken "cor" 47 cual lo wordo usa. Alabes a stipula e fecha ultimo pa entrega lista di Copa Noord ta 30 di april durante apertura di campeonato oficial di ASB na veld di Dragon Hitters (Duracell).

Pa prome biaha den historia lo hunga e playoff di Copa Noord estilo page system cual sala unanime a aproba. Pues Copa Noord ta den pleno preparacion y ta pidi equiponan pa nan prepara pa hunto nos celebra un Copa Noord 2020 den gran forma.

Estudio pa bira trahador di Guardacosta a start

WILLEMSTAD - Diabièr-
nè último 18 estudiante nobo di
Guardacosta cu ta siguiendo
e estudio di “Basis Opleiding
Kustwachter” (BOK) a marcha
drenta Marinekazerne Parera
despues di 4 siman intensivo
di entrenamentu.

Dia 20 di janüari 2020 e studi-
antenan di Aruba, Còrsou y St.
Maarten a start cu e estudio di
BOK cu e meta pa cuminsa un
carera na Guardacosta.

Durante di e 4 simannan di
entrenamento di formacion, e
studiantenan a ser retá men-
tal y físicamente.

Bou di guia di instructornan
di Guardacosta e hòbennan a
bívak den mondi, marcha
kilometernan largo, landa,
cushiná, kayak, traha flòt,
sigui programa den klas y haci
ehersicionan anfibioso.

E último ehersicio pa culminá
e simannan di formacion a
tuma lugar diahuebs 13 di
febrüari cu un marcha largo
for di madrugada pa cana dreña
Marinekazerne Parera main-
ta tempran dia 14 di febrüari.
Hopi di nan futuro coleganan
di Guardacosta a ricibí nan cu
un gran aplauso na momento
cu nan a dreña kazerne.

E siman aki e studiantenan lo
start cu un parti nobo di nan
estudio, cual t’e estudio nau-
tico. Guardacosta ta desea e
hòbenanan hopi éxito cu nan
estudio.



Corte Superior a regla reparticion

Gobierno di Còrsou ta bira doño di Rancho

WILLEMSTAD: Korte Supremo na Ulanda a tuma desishon riba destino di Rancho i a dól tur reklamashon ku tabata andando pa haña tereno riba e propiedat na Rancho i ku ta bai-bin for di 2010 den korte.

Abogado General no kier a ni pone e kaso riba agènda pero na final e wesnan a duna veredikto parsial riba e reklamo i kontra-reklamonan riba tereno ku no a reparti.

E areglo ta ofrese posibilidat pa korte konsedé parti dje tereno na herederonan ku nan por lokalísá i i esei no ta posibel, pa un fundashon of gobiernu haña e tereno.

Den e kaso aki ta trata di kavelnan riba e tereno ku yama Rancho.

Ofisialmente e tereno Rancho ta registrá riba number di difuntu “Domingo Manuel Wawoe” kende a muri laga un tereno di 12 hektare grandi nòrt di Esperanza i west di “Zee en Landzicht”, segun meetbrief di 1993.

Wawoe a fayesé dia 9 di yanuari 1833 na Kòrsou komo soltero.

No ta konosi si e tabatin heredero pero den kurso di tempu ela bira un komunidad.

Dia 7 di aprel di 2009, 49 persona di kendenan mayoria tin un kas na Rancho a entrega un petishon na korte pa deklará ku nan ta bira doño dje tereno kaminda nan ta biba. Korte a bai di akuerdo pa pasa e titulo pa nan for di un total di 165 kavel.

Korte a designa kavelnan 12 te ku 22 na gobiernu i sobrá tereno i eventual tereno k a kai bou di herensia di Wawoe i kualnan no tabata den e plan.

Den apelashon Korte di Hustisia a anulá e desishon dje promé korte i a duna gobiernu e tereno di Rancho ku eksepsion di kavelnan 11-22 i 29.

Komo ku gobiernu a haña tereno pòrnada nan por ta generoso i duna tereno na personanan ku di un of otro manera tin laso ku Rancho.

Den e dunamentu di tereno na Rancho eventual desenditentan no tin preferensia i ningun hende a mèldu komo famia di _Wawoe di manera ku un laso ku Rancho ta sufisiente pa haña un pida tereno.

Korte a pone komo kondishon ku gobiernu por desaroya e tereno pasobra ta nan so tin e miones ku ta nesesario pa hasi esei i ademas otro hendenan por haña pida tereno na erfpacht.

Korte no ta mira posibilidat pa duna un fundashon e tereno.

Korte no tin problema pa verkavel Rancho i gobiernu ta dispuesto pa inverti komo 7,5 mion florin den desaroyo di Rancho i ta konfia ku esaki lo sosode.

Kada kavel ta komo 500 m2 ku ta sufisiente pa un kas ku kurá si tuma na kuenda ku kas di pueblo ta 300 m2.

Korte a duna gobiernu e tereno pero mester ta ken te hendenan ku ta haña pida tereno.

Korte a traha un lista di hende ku ta bin na konsiderashon haña kavel pero esei no ta obligatorio.

Gobiernu por kubri su gastunan ku a hasi kobrando un canon pero mester reserva tereno pa esnan ku ta biba riba tereno kaminda tin ku traha kaya.

Si ainda sobra tereno gobiernu por duna esaki na erfpacht.

Korte a dikta tambe ku hendenan ku a biba mas ku dies aña den Rancho tin derecho di haña kavel i meskos ta konta pa hende ku a hour kas dies aña.

TA keda na gobiernu pa regla kavel pe hendenan ku tin ku muda pasobra ta bai asfaltá kaya.

Den kaso di dòbel asesinato....

Edmar Clemencia ta será na Ulanda

WILLEMSTAD. Segun e splikashon ku wes a duna di Modjeshka su denunsia hasí anteriormente na polisnan, e akusado Edmar Clemencia, aktualmente enkarselá na Ulanda, ta debidamente un di e kabesantenan di e gèng i ta un di esnan ku sa duna órden i òf enkargo pa asesiná hende. Wes a referí na e deklarashonnan aki ku Modjeshka de Meza a hasi serka polis, pero e mucha muhé aki ayera dilanti den sala di korte a ninga redondamente, bisando ku el a hasi e deklarashonnan ei puramente pa inkriminá Edmar Clemencia “Etto”, pasobra e tabata rabiá kuné.

Hopi otro denunsia e mucha muhé aki a rechasá tambe, bisando ku e no a lesa loke tabatin skibí na ulandes, anto ta polisnan a pone e kosnan ei den prosèsverbal, pero ku no ta su deklarashonnan.

Modjeshka mas aleu, segun fiskal Clarelli Hato Willems, morto di miedu a hasi denunsia kontra Edmar Clemencia, pasobra esaki a haña sa ku Modjeshka a drenta un relashon ku un otro hòmbler ku yama ‘Ulrich de Pablo’ i asina ei Modjeshka tabata teme tambe pa su propio bida.

Den sala di korte ayera a konfrontá Modjeshka ku e deklarashon ku el a hasi telefónikamente na polis, kaminda klaramente el a pidi asistencia, papiando ku stèm hopi abou i klaramente ku miedu. Otro hecho remarkabel ku a bini padilanti ayera ta ku e akusado Edmar Clemencia a laga Modjeshka sa ku entre tantu e ta debidamente na altura ken ta e hòmbler ‘Ulrich de Pablo’ ku kende Modjeshka a drenta un relashon kuné. Riba un whatsapp fo’i telefon di Modjeshka, Edmar Clemencia a saka afó ku ‘Ulrich de Pablo’ a yama Modjeshka ‘dushi di mi’.

Hasta Edmar Clemencia a konta Modjeshka ku e sa na unda ‘Ulrich de Pablo’ ta biba i ku ta un persona ku ta den e negoshi di bestèl i bendementu di outo for di eksterior.

Anto ku Modjeshka mester para trankil wak kiko ta bai sosodé awor ku ‘Ulrich de Pablo’.

Tambe tabatin denunsianan hasí ku Edmar Clemencia a kima pañanan i sapatunan di bisti di Modjeshka, kaminda di e suseso aki e víktima a saka whatsapp manda pa un amiga.

Den caso Phoenix, dòbel asesinato na Weto:

Modjeshka de Meza transportá di sala di corte dirèct pa prizon

WILLEMSTAD - Pa djabièrnè 14 di febrüari tabata programá tratamentu pro forma di e dòbel asesinato ku a tuma lugá na Weto dia 7 di aprel 2019.

Sala di korte tabata yèn, yèn di hende, esta famia, konosínan i hasta representantenan di kuerpo polisial tabata presente.

Ta trata aki di asesinato di Ulrich de Pablo i Shurion Noor, pero tambe intento di asesinato di Marlon Schoop i Ineke Balentina-Reinilia.

E kaso aki a haña e nòmber Phoenix. Mester bisa ademá ku e akusadonan prinsipal ta Edmar Clemencia di 31 aña di edat i Remyson Martina di 28 aña di edat. Ademá e duo ta akusá di ladronisia di un otro koló bèrdè di e marka Hyundai, Accent, un tas koló pretu ku kontenido, un telefon mobil marka samsung i un suma di 400 florin i poseshon di arma di kandela..

Pero pa Edmar Clemencia tin algun akusashon èkstra, esta intento di asesinato di Modjeshka de Meza dia 11 di mart 2019, intento di maltrato di de Meza



ku un arma di kandela, destrukshon di un outo Audi modelo A3.

Ámbos akusado ta enkarselá aktualmente, Edmar Clemencia ta será den un prizon na Zutphen (Ulanda), siendo Remyson Martina ta será aki na Kòrsou mes.

ABOGADONAN

Mr. Atena Sulvaran i señor mr. Eldon “Peppie” Sulvaran ta enkargá ku e defensa di e akusadonan.

E fiskal na nòmber di Ministerio Públiko ta señora mr. Clarelli Hato Willems.

Tratamento mes di caso Phoenix lo ta 12 di juni

WILLEMSTAD. Wes mr. H. Eskes, kende a dirigí e seshon, despues di a skucha fiskal señora mr. Hato Willems hopi lihé a konkluí pa tratamentu di e kaso aki riba kontenido tuma lugá riba un otro fecha, esta 12 di yüni binidero, kuminsando mitar di 10 di mainta i programá pa hinter dia. Tabata e intenshon pa Edmar Clemencia keda transportá pa Kòrsou fo'i Ulanda, pero debí na e mal tempu ku a reina na Ulanda pero transporte di e akusado aki no tabata posibel. Hasta a trata via e buelo planiá pa Sint Maarten, pero esei tampoko no a logra. Pa tal motibu a tene e parti ku ta konserní e akusado Edmar Clemencia atraves di videoconference.

Una bes ku tratamentu di e kaso riba kontenido lo ta 12 di yüni binidero, fiskal señora mr. Clarelli Hato Willems

a splika mas aleu ku ta wardando tambe riba resultado di DNA ku lo yega for di Ulanda medio aprel.

Ta trata aki di pruebanan palpabel ku lo por haña riba saku di plèstik ku hashis aden, tambe riba kabitu di sigaria. Tabata pendiente di regreso di Edmar Clemencia for di Ulanda pa kòmbersá ku sikiater dr Heytel, pero esei no a kontinuá debí ku e akusado no a keda transportá for di Ulanda.

Den sala di korte tabata presente ademá partidonan perhudiká, kendenan a haña e rekomendashon pa konsultá ku Slachtofferhulp pa traha e petishon di daño i perwisio. Abogado mr. Sheldry Osepa ta representá famianan di Noor. Ta e intenshon tambe pa representantenan di e famianan hasi uzo di palabra durante e tratamentu na yüni binidero. Te asina leu pa loke ta trata e akusadonan Clemencia i Martina, pero wes señora mr. Eskes djis despues a trese padilanti ku e ta pasa over pa skucha testigu Modjeshka de Meza bou di huramentashon.

Na final di kuenta:

Wes a laga tira bui riba testigu den korte ayera



Moed is niet de kracht om door te gaan
Moed is doorgaanterwijl je de krachteingelijkniethebt.
Kombijmijzoals je bent.

It is with great sadness we announce the passing of our beloved mother, sister, aunt, grandmother, great grandmother.

Adriana Maria van de Plasse

Better known as "Atie" or "Mama"



Her children:

Federica Jones
Benjamin Jones & Sharleen Hengeveld
Henry Jones & Jenny Andrea Bernal Alzate
Esther Jones & Jamil Wever
Consuelo Adema

As her child:

Anthony Bennett "Tony"

Her Sister:

Gilda & Peter Ijff & family

Her in-laws:

Santiago & Chris Jones & family
Kennith Jones & family
Benencia Jones

Grand children:

Ryan Jones, Bryon Richardson, Benjamin Jones, Kyle Richardson, Gianella Ras, Xandy Jones, Rihanna Jones, IxabelleWever, Raiden Jones

Great grandchild:

Shade Jones

Nephews:

Eric, Gloria & Haime Jones

Close Friends:

Sr. Perez, Javier Perez, Rodrigo Perez, Giani & family, Josanne & Jorgino Fingal & family, Julissa Arends & Bryan Matos, Jenny Raphaela, Maritje Tromp, Rondley & Anouska Calorina, Alvin & Nina Brito, Leonard & Nereyda, Anthony Dirksz, Ive Samingo, Ricardo Sneek, Patrick Kip, Virginia Maxwell, Albert & Marcel Maduro, Lorenzo Webb, Gregory Maduro, Blanca Theysen & family, Jeritza Camacho & family, Sra. Andrea Carela & Juan Jose Huerta, Jason Tunk, Rich Cicilia, Khaled Lashin, Sylvia Eitjes, Evelyn Wever-Croes, Xiomara Ruiz-Maduro, Marisol Lopez Tromp, Celoi "Sniper", Danny Wilson.

Related Families:

Van de Plasse, Ijff, van Eizenga, Sanders, Jones, Wever, Fingal, Webb, Richardson, Ras, Adema, Clough

We are sorry if in our sorrow we may have forgotten a name.

Opportunity to pay your respects will be:

Wednesday February 19, 2020

Royal Funeral Home from 2:00pm – 4:00pm

Cremation will take place in a closed family circle.

After the service we will not be able to accept condolences at home.

Mama was a happy person. Her wish is that everyone continues to celebrate life by wearing bright & cheerful colors.



Ami ta na paz
Mi alma ta sosega
No mester yora

Cu boso amor ami tawata bendiciona
Y den dushi memoria nos momentonan bunita ta keda graba

Cu dolor na nos curason pero conforme cu Señor su boluntad, nos ta anuncia fayecimento di nos mama, wela, bisawela, tata rawela:



Clara Nimia Giel – Larez

12 Aug. 1931 – 10 Feb. 2020

viuda di Guillermo Giel

Yiunan:

Emmely "Diana" Giel vda. de Daza
Glen Giel & esposa Irina
Ann Giel & esposo Anthony Bruin
Louis Giel
Gwendolyn Giel
Gerrard "Gerry" Giel & esposa Yaravith
Manera yiu:
Dokter di cas Dr. John Croes
Rumannan na Aruba & Venezuela:
Miriam & Rochi Wernet & famia
Cheli & Carmen Brito & famia
Elizabeth & Mito Larez-Pereira & famia
Rudy & Nora Larez & famia
Holl & Rosalba Larez & famia
Nietonan:
Guilfred Besaril & esposa Siglaine
Zugheila Giel
Omar Besaril & esposa Danny
Vivienne Croes-Bruin & esposo Kenneth
Ysaura Wong-Giel & esposo Clifton
Emmely Besaril
Annely Feliciano-Bruin & esposo Lubert
Michel Giel & esposa Melony
Eduardo Garcia & esposa Sharron
Maikel Giel
Guilford Giel & esposa Romina
Genesis Armandtraiding-Giel & esposo Jersley
Geraldine Valdez-Giel & esposo Domingo
Gerry (Jr.) Giel & esposa Laurine
Bisanietonan:
Nayeli, Axel, Dexo, Elena, Gabrielle, Kyrah, Kyle-Anthony, Clifton (Jr.), Leeann, Savienne, Rylan, Aleya, Mayron, Naya, Genesis, Yedaya.
Tataranieto:
Liam
Amigonan di cas:
Maureen Kelly, Jon Geerman, Alberto Groeneveld, Theresa "mom" Brathwaite, Sandra Wouters.
Demas famia:
Giel, Larez, Wernet, Brito, v/d Wall Arneman, Besaril, Bruin, Arasme, Daza, Wever, Willems, Ras, Lindeborg, Dullens, Croes, Wong, Feliciano, Armantraiding, Viaña, de Cuba, Boekhout, Roja, Kock, Geerman, Arendz, v/d Linden, Schwengle, Bislik, Lin, Dijkhof, Roos, Solognier.
Ta invita pa acto di entierro cual lo tuma lugar Aurora Funeral Home diaranson 19 di februari 2020 di 2'or pa 4'or di atardi. Despues lo sali pa Santana Catolico na Playa.
Condolencia lo tuma lugar na Aurora Funeral Home diamras 18 du februari 2020 di 7'or pa 9'or di anochi.
Disculpa si den nos tristeza nos a lubida algun familiar.

WILLEMSTAD. Hinter un diskushon a bai bin den sala di korte tokante e fechanan 6 i 7 di april 2019 ku denunsianan sí òf nò hasí di parti di Modjeshka.

Pero tambe a bini padilanti ekspreshonnan sierto momentonan hasí na polis ku Edmar Clemencia ta un bon tata pa e yunan i ku Modjeshka ta dependé finansieramente di e akusado Edmar Clemencia.

Ademas tin asunto ku Edmar Clemencia a bai pafó di Kòrsou, keda un aña den eksterior.

Preguntanan tokante kua momento Modjeshka a mira Edmar Clemencia pa promé biaha ku un arma di kandela, esei segun deklarashonnan anteriormente hasí na polis tabata na aña 2015 durante ku esaki tabata labando su outo.

Mas aleu segun e mucha muhé aki lo mester ta trata di un 'Glock'.

Pero ayera Modjeshka de Meza a ninga tur e deklarashonnan aki redondamente, bisando ku ta trata aki puramente di ponensianan di polisnan mes.

Fiskal señora mr. Clarelli Hato-Willems di un forma konsistente tabata hasi preguntanan aklatativo na Modjeshka de Meza i na sierto momento debí ku e mucha muhé aki tabata ninga tur kos te hasta a pidi pa pasa grabashon di kombersashon telefónico ku Modjeshka de Meza tabatin ku polis den sala di korte. Esei a sosodé i por a skucha e interkambio entre Modjeshka de Meza i warda di polis. Tantu e akusado Edmar Clemencia, kende via vidiokonferensia tabata konektá ku Ulanda, komo Remyson Martina tabata bastante inkietut.


Ámbos tabatin momento ku nan kier a papia pero wes no a pèmití esei sosodé. Finalmente Edmar Clemencia a deklará di ta di akuerdo ku e deklarashonnan ku Modjeshka a hasi den sala di korte ayera i ku e tambe tin e eksperensia ku polisnan ta pone kosnan riba papel ku e akusadonan no a deklará.

E akusado Remyson Martina a pidi pa lag'e bai kas, pasobra e no tin nada di haber ku e asesinato.

Finalmente, djis despues di su deklarashonnan polisnan a sera Modjeshka su mannan den bui, loke ta indiká ku ta bai sera e persona aki pa perhurio.

Perhurio, esta deklarashonnan mentiroso den sala di korte, hasí bou di huramentashon kastigabel pa 6 aña i den algun kaso hasta 9 aña.

Èks parlamentario a apelá su kastigu pa froude fiskal



Wes a atverti 'Jessy'.....

Papia mentira den sala di korte ta perhurio i esei ta kastigabel

WILLEMSTAD. Ayera na Stadhuis wes a yama Modjeshka de Meza, mihó konosí komo 'Jessy' pasa paden pa repasá verbalnan di e denunsianan inkriminatorio ku el a hasi anteriormente kontra di Edmar Clemencia.

Pa kuminsá ta asina ku Modjeshka de Meza tin 2 yu muhé ku e akusado Edmar Clemencia. Wes señora mr. Eskes ya for di kuminsamentu, promé ku e huramentashon tuma lugá, a rekomendá Modjeshka de Meza pa papia bèrdat.

Pasobra una bes ku e ta huramentá sí e gaña, e ta kore riesgo di kai será. Remarkabel ta ku e promé pregunta ku wes a hasi na Modjeshka de Meza tokante denunsianan ku el a hasi kontra di Edmar Clemencia, ya e no kier a kontestá, pero wes a sigui insistí, bisando ku Modjeshka de Meza ta obligá di duna kontesta.

Wes a puntra Modjeshka dikon el a yama polis dia 11 di mart 2019 i ela kontestá ku ta pasobra tabatin un tiramentu, anto e tabata den kas i no a mira Edmar Clemencia tira.

Mas despues wes a puntra Modjeshka de Meza kua momento e tabatin kontakto pa último biaha ku Edmar Clemencia.

Modjeshka a kontesta ku tabata den oranan di mardugá di ayera mainta.

Wes mesora a puntra Modjeshka si Edmar Clemencia a pone preshon riba dje pa e kambia su deklarashonnan i aki a Modjeshka a kontestá ku awor sí lo e papia bèrdat.

Kontinuando ku preguntanan di parti di wes na Modjeshka, a bini padilanti ku tabata dia 11 di mart 2019 ku Modjeshka a hasi denuncia kontra di Edmar Clemencia, bisando ku esaki a menas'é ku morto, kita su outo for di dje, lòs un kantidat di 6 bala ku un arma di kandela dirigí riba su outo Audi model A3 i asina ei a perforá e vehíkulo.

Segun e víktima no tabata falta masha pa bala kue su kurpa.

Edmar Clemencia, segun deklarashonnan di Modjeshka, ta un miembro aktivo di e gèng kriminal ARMY ku ta establese den e barío Kurá Piedra.

E gèng kriminal ARMY, manera a bini padilanti serka polisnan, ta un famia.

E grupo aki ta sinta bou di palu. Serka polis Modjeshka de Meza hasta a menshoná nòmber di algun di e miembronan di e gèng, pero un ku nan ta yama chino, esei Modjeshka ta mas na altura di dje.

Royal Aurora Funeral Home & Crematory

Salmo 23

"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa."

Cu tristesa na nos curason,
pero conforme cu boluntad di Dios,
nos ta participa morto di:



Sra. Elaine Norine Dirksz-Laronde

* 27 juni 1948 + 12 februari 2020

Na number di su casa:
George (Joy) Dirksz

Su yuinan:
Gerald y Stacey Dirksz-Goodnight y famia
Zulaika y Michael Croes-Dirksz y famia

Su 8 nieto/nieta nan:
Christian, Cassandra, Caeden
Yurian, Neythian, Xian-Iva, Xianayah, Thrisian

Su rumannan:
Greta Laronde y famia
Wilbur y Marva Laronde-Smith y famia
Judith y Cesar Tromp-Laronde y famia

Su subrino y subrinanan:
Melanie y Aaron Henneke-Wagner y famia
Fabien y Becky Laronde-Coburn y famia
Gregory Laronde
Gary Laronde
Sidney y Marjolein Tromp-Winklaar y famia
Lisandra Tromp

Su omo y tanta:
Juan (Jonkey) y Beatrix Tromp-Ridderstap y famia
Elsa (Lichi) y Juan Tromp-Tromp y famia

Su primo y primanan
Su prima y amiga di cas Alvira Tromp

Su sua y cuñanan yiunan y famia:
Edwin y Dirksz, Felician y Hubert Zievinger-Dirksz, Thomas y Clara Dirksz-Dirksz, Jose Dirksz y Joanne Leo, Adelaida y Bob Nijdam-Dirksz, Magaly y Michael Arends-Dirksz, Vincent Dirksz

Demas famia y amistad nan na Aruba, Hulanda y Merca: Dirksz, Goodnight, Croes, Tromp, Laronde, Wagner, Boekhoudt, Smith, Henneke, Coburn, Kelly, Hernandez, Maduro, v/der Linden, Britten, Olive, Benoit, Baron, Bruney, Els, Ras, Donata, Garcia, Zievinger, Nijdam, Leo, Pietersz, Maduro, Rosel, Arends, Albertsz, Peña.

Ta invita tur famia, amigo y conosirnan pa acto di despedida cu lo tuma lugar diamars 18 februari 2020 for di 2'or pa 4'or di atardi na Misa Birgen di Fatima na Dakota y despues pa Santana Catholico na St.Cruz.

Enbes di flor of krans lo tin un box disponibel pa donacion pa Koningin Wilhelmina Kankerfonds.

Nos disculpa, despues di entierro nos no por ricibi bishita di condolensia na cas.

Royal Aurora Funeral Home & Crematory

"Señor ta bringa pa boso,
boso no tin mester di hasi nada"
Exodus 14-14

Cu tristeza na nos curason nos ta anuncia fayecimento di:



Sra. Dulmène Severe-Bon Enfant

Mihor conoci como "Edele"
*02-09-1948 - †11-02-2020

Acto di entierro lo wordo anuncia despues

Royal Aurora Funeral Home & Crematory

Gradicimento / Invitacion

Pa medio di esakiFamia kier a gradici tur esnan cu na un manera of otro a muestra nan atencion durante fayecimento y entierro di nosyiu, mama, pareha, nieta, ruman, sobrina, tanta y amiga stima:



Mary Eveline Geerman

Dankina Aurora Funeral Home y na Hospital y un danki special na tur cu a pone atencionesakitabata un gran consuelo pa nos.

Alaveznos kier a invita pa 3 Santo Sacrificio di misacua lo tumalugarna Misa St. Annana Noord

Diasabra 15 Februari 7:00 PM, Diadomingo 16 Februari 6:00 PM

Diaranson 19 Februari 6:30 PM
Despues di ultimo Misa lo tin un rezamentonacas, Boegoeroei # 87C

Bo(so) precencia lo ta altamenteaprecia

Rest In Peace

Royal Aurora Funeral Home & Crematory

"Lo jega e ora cu tur esnan cu ta den graf lo tende su stem i lo sali afo"
Huan 5:28-29

Cu tristeza na nos curason nosta anuncia cu a fayece inesperada mente di nos Mama, wela, bisawela, Ruman y Tanta stima :



Sra. Vda. Imelda Theresitade Cuba-Giel

Cariñosa mente jama "Mama of Tanta Chita"

*20-06-1931 - †11-02-2020

Na number di su

Mayornan: †Demetrio y †Maria Giel-Tromp

Casa: †Adelberto De Cuba

Yiunan: Ruben y Ivy de Cuba-Perez

Lourdes de Cuba

Erline de Cuba

†Misella y Felix Croes-de Cuba

Nelson de Cuba

Mariska y Jose da Silva-de Cuba

†Jacintho de Cuba

Maria de Cuba, Jacky del Rosario

Nieto(a)nan: Jarich, Clenton, Jayci, Jenny, David, Jeanick, Jennifer, Angie, Xerxes, Raynier, Joel, Jomar, Joffrey, Jarlene, Jovanca, Giovanni

Biso(a)nietanan: Geromian, Jayley, Evangeline, Davienne, Dyon, Jeanylaine, Iquion, Qiara, Jathan, Christian, Lara Isabella, Xenon, Xayne, Xyden, Sophia, Jaymar, Aliyah, Jamarion, Jamylene, Ryadrick,

ManeraYui: Rosemary Giel y yiunan

Rumannan: †NorbertaEveron-Giel y yiunanna Aruba y Hulanda

†Christina de Cuba-Giel y yiunan

Sra.vda. Petra Geerman-Giel y yiunan-

naAruba y Hulanda

†Anna Giel y yiu

Sra. FransiscayAdelindo v/d Biezen-Giel y yiunan

Amador Giel y yiunannaAruba, Merca y

Hulanda

†Ricardo Giel y yiunan

Antonio & Berta Giel y yiunan

Sra.vda. Juanita Vrolijk-Giel

Rosa & Joy Jacopucci-Giel y yiunan

Suegro(a)nan: †Agustin y †Rosa Maria de Cuba-Figaroa

Cuñanan: Juanita de Cuba y yiunan

Carmen de Cuba y yiunannaHulanda

Theresita de Cuba y yiu

Sobrino(a)nan, primo(a)nan, sobresobrino(a)nan, Ihanan, comer y compernan, demasfamiana Aruba, Merca y Hulanda.

Ayudantenan di cas: Maria Medina-Naranjo y Marina Mira Zapata

Ex-compañeronan di Grupo Uni, Wit GeleKruis, bisiñanan, amigo(a)nan y conocirnan

Demas famia: De Cuba, Giel, Tromp, Figaroa, Croes, Da Silva, Luydens, Everon, Geerman, v/d Biezen, Vrolijk, Jacopucci, Boekhoudt, Lacle, Henriquez, Kelly, Brete, Dake, Cellaire, Perez, Ruiz, Semeleer, Maduro, Rozenberg, Schaarbaay, Frank, Faro, Leest, Del Rosario. De La Rosa, Willems

Oportunidad pa condolencia lo ta dialuna 17 februari 2020 for di 7'or pa 9'or di anochina Aurora Funeral Home.

Ta invita pa asistina acto di entierocual lo tumalugardiamars 18 Februari 2020 for di 2'or pa 4'or di atardinamisa Sta. Anna na Noord, despues lo sali pa santanacatholica na Noord.

Nos ta pidinosdisculpasi den nos tristeza nos por a lubida un of mas famia.

Despues di entierio no ta ricibibishita di condolencianacas.

Royal Aurora Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Cado Wever.

Cu dolor na nos curason, nos ta anuncia cu a bai drumi den brasa di Señor nos ser stima :



Anna Kelkboom-Jacobs

Mihor conoci como "Madu" of "Shon Annie"

*20-07-1925 - †14-02-2020

Acto di entierio lo wordo anuncia despues

Royal Aurora Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Cado Wever.

Cu dolor na nos curason,
nos ta anuncia fayecimento di nos ser stima:



Hose Patricio Tromp

Mihor conoci como "Jo"

*17-03-60 - †17-02-2020

Acto di entierio lo wordo anuncia despues

SETAR ta participa fayecimento di:



Sra. Vda. Imelda Theresita de Cuba - Giel

Mama di nos colega

Sra. Erline de Cuba

Secretaria Ehecutivo di Departamento Tecnico

Oportunidad pa Condolencia ta dialuna 17 februari 2020 entre 7 or pa 9'or pm na Aurora funeral Home. Y acto di entierio ta tuma lugar diamars dia 18 februari 2020 di 2'or pa 4'or pm na Misa Santa Anna na Noord.

Gerencia, Staf y Personal di
SETAR N.V. ta extende
palabranan di condolencia na
Erline y demas famia.



Mas kabes a kai den skandal di soborno na Sint Maarten

PHILIPSBURG. E èks parlamentario di Sint Maarten, Chanel Brownbill, ayera den korte di Hustisia mester a splika ku ta pasobra e tin su atministrashon hecho un desaster nan ke kondená i pasobra e ta un famia leu dje kabesante di koruptonan den Harbour

Company na Sint Maarten.

Ta sosodé ku seis dia despues ku polis a tira inval den ofisina dje direktornan di Harbour Company dia 15 di desember 2017, ela kore entrega su papelnan di belasting.

E tempu aya polis a tira invadl den e negoshi Checkmate Security di su amigu i primu leu O'Neal Arrindell kende ta e 'master mind' dje bochoro koruptivo ku a tuma lugá den e kompania.

Fiskal a pidi komo 5 aña prezu pe pero te ainda veredikto no a kai.

Brownbill a atmiti ku e tin mal kustumber di lubidá di paga belasting i ta su mes falta ku hustisia ta kere ku ta froude ku belasting ela kometé.

Di un banda e tin un salario di 15.000 dòler merikano komo parlamentario pero durante di su kaso den korte ela ninga di splika ta kon bin e por a gana asina tantu plaka riba kual e no a paga belasting.

Ayera tambe e empresario/politiko a ninga di papia maske fiskal a garantisé ku lo no persiguié pa falsifikashon di faktura pero ni asina e no kier a papia. Ayera por ehempel ela hasi manera ta surdu e ta ora wes i prokurador general a puntré si ela fakturá 1,2 mion dòler na Harbour Company sin ku su kompania a move ni un blòki pa Harbour Company.

Uniko biaha ku el a bisa algu ta ora wes a puntré ku si ela lanta 1.2 mion dòler kèsh i ela kontesta ku e no ta kòrda.

Ela agrega ku "...tin biaha mi no ni kòrda mi mes number di outo!!"

Di akuerdo ku prokurador, Brownbill a kuminsa yena papel di belasting pasobra hustisia tabata listrando e ofisina di Harbour Company i e tabata sinti kayente.

Ta ora e Task Force Anti Korupshon a kombersá kune i a bisé pa yena su papelnan di belasting, ela hasi esei i pasobra e kier a kumpli ku lei.

Hasta nan a ofresé pa regla e kaso finansiero pafó di korte pero ela bolbe tarda te ora kayente a kuminsa bou di su stul.

Royal Aurora Funeral Home & Crematory

"SEÑOR TA MI WARDADOR, MI NO TIN FALTA DI NADA.
DEN KUNUKU DI YERBA BERDE E TA PONEMI SOSEGA.
E TA HIBAMI NA AWA TRANKIL PAMI BOLBE HAYA FORSA"

SALMO 23

MAMA (LALA) DANKI PA TUR LOKE BO A SIGNIFICA PA NOS
KU INMENSO TRISTEZA NA NOS CURASON NOS TA ANUNCIA
FAYECIMIENTO INESPERA DI NOS MAMA, WELA, BISABUELA
STIMA:



SRA VDA HELEN ALEXANDRINA VIDAL-AUGUSTUS

CARIÑOSAMENTE JAMA "LALA"

*26-11-1935 - †15-2-2020

NA NUMBER DI SU:

YIUNAN:

CARMEN-VENNA VIDAL Y YIUNAN

NADINE Y VITO PETROCCHI Y YIUNAN

OSCAR Y JEANNIE VIDAL-VROLIJK Y YIUNAN

GIOVANNI VIDAL Y YIU

NIETO Y NIETANAN:

MIVECA CROES Y ALANA OLAYA-BARLIZA

ROVIENNE RICHARDOSN Y JEANCARLOS VAN NORDEN

MICHELLE PETROCCHI Y ITSMAR DE CUBA

ARMANDO PETROCCHI

RICHINELL VIDAL Y JUJU VAN DER BIEZEN

JUNELL VIDAL

GINIQUE VIDAL

BISANIETANAN:

JEAZIENNE VAN NORDEN

JHAELY VAN NORDEN

CELINE LEGRIEL

RUMAN STIMA: NORMA BEUKENBOOM YIUNAN

DEMAS FAMILIA Y CONOCIRNAN:

ELISON MERCERA, DIVINA BOETIUS- VAN SICHEM, BERNADETTE SENDAR-VIDAL Y FAMILIA,

FAMIANAN: BEUKENBOOM, MARTIS, PROVENCE, DE HAAK,

TOPPENBERG, JOZEFA, MULLER, NEUMAN, VICARIO, CONRADUS,

DOMITILIE, VEERIS, AUGUSTA, FLANDERS, PETROCCHI,

CRATZ NA ARUBA Y CURAÇAO, DEMEI, PRAAG, CORDERO,

QUANDT, CORONEL, DE PALM, VROLIJK, SOLIANA, MARTINUS,

KROSS

TA INVITA PA ASISTI NA ACTO DI DESPEDIDA Y CREMACION CU

LO TUMA LUGAR NA ROYAL FUNERAL HOME DIAHUEBS 20 DI

FEBRUARI 2020 DI 9'OR PA 11'OR DI MAINTA SIGUI PA E ACTO

DI CREMACION DEN SENO FAMILIAR

DESPUES DI DESPEDIDA NO POR RICIBI BISHITA NA CAS

NOS TA PIDI DISCULPA SI DEN NOS TRISTEZA NOS POR A

LUBIDA UN OF MAS FAMILIA Y CONOCIRNAN

Royal Aurora Funeral Home & Crematory

Gradicimento / Invitacion

Pa medio di esakifamia di defunto ta gradici tur esnan cu tabatate presente durante e ceremonia di despedida di nos mama/ruman/wela/tanta/prima stima Boso atención y cariño tabata un gran consuelo pa nos:



Ludwina Selvira Kelly

Alaveznos kier ainvita pa 3 Santo Sacrificio di misacual lo tumalugarna:

Parokia di Santa Filomena naparadera

Dia: 16 feb 2020 - 10am, 18 feb 2020 - 7pm, 20 feb 2020 - 7pm

Después di e ultimo misa lo tin un rosario na cas Tanki Leendert 97-C

Royal Aurora Funeral Home & Crematory

Ki alegría, ora nan a bisa mi:

"Ban cas di Señor!"

I awor, ata mi aki para na bo porta Señor.

Salmo 122

Cu dolor na nos curason,
nos ta anuncia fayecimento di nos ser stima:



Josepha Maduro-Rasmijn

Cariñosamente jama "Mama grandi"

*19-03-1929 - †14-02-2020

Acto di entierio lo wordo anuncia despues



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL